

Keilir, miðstöð vísinda, fræða og atvinnulífs
Hjálmar Árnason, framkvæmdastjóri
Grænásbraut 901
262 Reykjanesbæ



MENNTAMÁLASTOFNUN

Keilir, miðstöð vísinda, fr. og atvinnulífs ehf. postur@mms.is • www.mms.is
18. MAR. 2019
Málsnr. <u>201902-0201</u>
Málal. <u>0.3</u>
Skammst. ábyrgðaraði Kópavogi, 17.03.2019 <i>CM</i>

Vísað er til umsóknar dagsett 14. nóvember 2018, þar sem sótt er um viðurkenningu sem einkaskóli á framhaldsskólastigi.

Samkvæmt III. kafla laga um framhaldsskóla, nr. 92/2008 getur mennta- og menningarmálaráðherra veitt skólum, öðrum en opinberum framhaldsskólum, viðurkenningu til kennslu á framhaldsskólastigi. Í slíkri viðurkenningu felst staðfesting á því að starfsemi skóla uppfylli, á þeim tíma sem viðurkenningin er veitt, almenn skilyrði laganna og reglna sem settar eru með stoð í þeim. Reglugerð um viðurkenningu einkaskóla á framhaldsskólastigi nr. 426/2010 var sett 11. maí 2010.

Viðurkenning felur hvorki í sér vilyrði um framlög né fjárskuldbindingu af hálfu ríkissjóðs. Hún veitir nemendum skólans ekki sjálfkrafa rétt til fyrirgreiðslu úr Lánasjóði íslenskra námsmanna. Skólinn ber sjálfur alla ábyrgð á eigin skuldbindingum og starfsemi.

Skólanum ber, skv. 3. grein reglugerðar um viðurkenningu einkaskóla á framhaldsskólastigi, nr. 426/2010, að senda Menntamálastofnun árlega skýrslu um starfsemina og veita henni allar umbeðnar upplýsingar um rekstur og starfsemi þegar þess er óskað. Um skóla- og kennarafundi skal fara samkvæmt ákvæðum 9. og 10. gr. laga um framhaldsskóla. Skólinn skal hafa frumkvæði að því að upplýsa Menntamálastofnun án tafar um breytingar sem kunna að verða á starfsemi eða aðstöðu hans sem viðurkenning þessi byggir á. Uppfylli skólinn ekki lengur skilyrði laga, nr. 92/2008, um framhaldsskóla eða fyrirmæli sett samkvæmt þeim, getur ráðherra afturkallað viðurkenninguna. Ósk um endurnýjun viðurkenningar þessarar þarf að berast Menntamálastofnun ásamt fullnægjandi gögnum a.m.k. þremur mánuðum áður en hún rennur út.

Menntamálastofnun hefur metið skólanámskrá og önnur framlögð gögn um starfsemi Keilis, miðstöðvar vísinda, fræða og atvinnulífs. Gögnin voru borin saman við lög um framhaldsskóla, reglugerð um viðurkenningu einkaskóla á framhaldsskólastigi og almennan hluta aðalnámskrár framhaldsskóla. Meðal atriða sem metin eru sérstaklega eru rekstrarform, markmið náms og markhópur nemenda, skólanámskrá (með hliðsjón af starfsháttum, skipulagi náms, inntökuskilyrðum, réttindum og skyldum nemenda o.fl.), námsbrautarlýsingar, staðfesting á fjárhagslegri ábyrgð og rekstraröryggi, menntun og kjör starfsfólks og starfsaðstaða.

Á grundvelli þess sem að framan greinir veitir Menntamálastofnun hér með Keili, miðstöð vísinda, fræða og atvinnulífs kt. 055007-5005, viðurkenningu til kennslu á framhaldsskólastigi til þriggja ára frá dagsetningu þessa bréfs. Viðurkenningin grundvallast á skólanámskrá Keilis, og tekur til kennslu námsbrauta með námslok: 6 - *Bóknámsbrautir til stúdentsprófs (þriðja þrep)*, 7 - *Aðrar brautir til stúdentsprófs (þriðja þrep)*, 8 - *Próf til starfsréttinda á þriðja þrepi*, 9 - *Önnur lokapróf á þriðja þrepi*.

Viðurkenningin byggir á því að kennsla fari fram í húsnæði skólans að Grænásbraut 901 eins og því er lýst í umsókn, sem hefur verið tekið út og samþykkt af heilbrigðiseftirliti og yfirvöldum brunamála. Jafnframt byggir hún á því að starfsemi skólans fari fram samkvæmt þeim forsendum og skilyrðum sem rakin eru í umsókn. Áður en til endurnýjunar á þessari viðurkenningu kemur ber skólanum að tryggja að prófskírteini uppfylli kröfur þar um í aðalnámskrá framhaldsskóla en nýlega staðfestar námsbrautir eru staðsettar á hæfniprep og eðlilegt að uppfæra prófskírteini í samræmi við það.

Með þessari viðurkenningu er staðfest að Keilir, miðstöð vísinda, fræða og atvinnulífs uppfylli viðmið til þess að kenna eftir staðfestum námsbrautalýsingum:

Einkaþjálfari (18-400-3-9)

Fótaaðgerðafræði (17-2016-3-8)

Stúdentsbraut – bóknám (15-82-3-6)

Tölvuleikjagerð (19-430-3-7)

Skólinn skal birta viðurkenningarbréf þetta ásamt skólanámskrá, verðskrá og gjaldtökureglum á vef sínum. Menntamálastofnun áskilur sér rétt til að birta viðurkenningarbréf þetta á vef sínum ásamt skólanámskrá Keilis.

Virðingarfyllst,



Arnór Guðmundsson

forstjóri